



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2023 оны 07 сарын 07 өдөр

Дугаар А/375

Номгон

Дуудлага худалдаа зохион байгуулах
ажлын хэсэг томилох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, Амьтны тухай хуулийн 5 дугаар зүйлийн 5.5.1, 25 дугаар зүйлийн 25.5, 29 дүгээр зүйлийн 29.1, 29¹, Зөвшөөрлийн тухай хуулийн 5 дугаар зүйлийн 5.6.1 дэх заалт, 8 дугаар зүйлийн 8.1.23 дахь заалтыг тус тус үндэслэн ЗАХИРАМЖЛАХ нь.


1.Тусгай зориулалтаар агнуурын амьтныг агнах, тусгай зөвшөөрлийг олгох дуудлага худалдааг цахим хэлбэрээр 2023 оны 07 дугаар сарын 24-ний өдрийн 10 цагт зохион байгуулсугай.

2.Тусгай зориулалтаар агнуурын амьтныг агнах, тусгай зөвшөөрлийг олгох дуудлага худалдаа зохион байгуулах ажлын хэсгийн бүрэлдэхүүнийг нэгдүгээр, дуудлага худалдааг зохион байгуулах удирдамжийг хоёрдугаар хавсралтаар тус тус баталсугай.

3.Тусгай зориулалтаар агнуурын амьтныг агнах тусгай зөвшөөрлийг олгох дуудлага худалдааг хууль, журамд нийцүүлэн, ил тод, нээлттэй зохион байгуулж дуудлага худалдааны тайлан мэдээг тайлагнахыг ажлын хэсгийн ахлагч (Д.Сарангарав)-д үүрэг болгосугай.


4.Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Б.Батсуурь)-д даалгасугай.

ДАРГА



Д.МӨНХСАЙХАН

Аймгийн Засаг даргын Тамгын газрын Хөдөлмөрийн
өдрийн 1/275 дугаар захирамжийн 1 дүгээр
хөвсрэлт



АЖЛЫН ХЭСГИЙН БҮРЭЛДЭХҮҮН

Ажлын хэсгийн ахлагч:

Д.Сарангарав

(Аймгийн Засаг даргын Тамгын газрын хууль, эрх зүйн хэлтсийн дарга)

Гишүүд:

Г.Баатартогтох

(Аймгийн орон нутгийн өмчийн газрын ахлах мэргэжилтэн)

Б.Намуун

(Аймгийн Засаг даргын Тамгын газрын Хөгжлийн бодлого төлөвлөлт, хөрөнгө оруулалтын хэлтсийн мэргэжилтэн)

Ш.Даваабат

(Аймгийн Засаг даргын Тамгын газрын Санхүү төрийн сангийн хэлтсийн мэргэжилтэн)

Ш.Энхбилэг

(Байгаль орчин, аялал жуулчлалын газрын мэргэжилтэн)

М.Батзаяа

(Аймгийн Засаг даргын Тамгын газрын мэдээлэл технологи, тоног төхөөрөмж, дотоод сүлжээ хариуцсан мэргэжилтэн)


Нарийн бичгийн дарга:

Э.Ганзориг

(Байгаль орчин, аялал жуулчлалын газрын дарга)

оОо

Аймгийн Засаг даргын 2023 оны 07 дугаар сарын 07-ны өдрийн 1375 дугаар захиралын 02 дугаар хавсралт



ЗАСГИЙН ГАЗРЫН 2022 ОНЫ 444-Р ТОГТООЛ, БОАЖ-ЫН САЙДЫН 2023 ОНЫ 06-Р САРЫН 22 НЫ ӨДРИЙН А/215 ТООТ ТУШААЛААР БАЯНХОНГОР АЙМАГТ 2023 ОНД ТУСГАЙ ЗОРИУЛАЛТААР АН АМЬТАН АГНАХ ТУСГАЙ ЗӨВШӨӨРӨЛ ОЛГОХ ДУУДЛАГА ХУДАЛДААГ ЗОХИОН БАЙГУУЛАХ АЖЛЫН УДИРДАМЖ

Нэг. Нийтлэг үндэслэл

1.1.Зөвшөөрлийн тухай хуулийн 5.6, 8.1.23, заасан зөвшөөрлийг дуудлага худалдааны журмаар олгоходоо Амьтны тухай хуулийн 29¹ дүгээр зүйлд зааж тодорхойлоогүй харилцааг энэхүү удирдамжаар зохицуулна.

1.2.Тусгай зориулалтаар агнуурын амьтан агнах,барих зөвшөөрлийн дуудлага худалдаа /цаашид “дуудлага худалдаа” гэх/-г явуулах удирдамж, ажлын хэсгийг аймгийн Засаг даргын захирамжаар дуудлага худалдаа эхлэхээс өмнө батална.

1.3.Дуудлага худалдааг зохион байгуулах ажлын хэсгийг аймгийн Засаг даргын Тамгын газрын Хууль, эрх зүйн хэлтэс, Хөгжлийн бодлого, төлөвлөлт, хөрөнгө оруулалтын хэлтэс, Санхүү төрийн сангийн хэлтэс Орон нутгийн өмчийн газар, Байгаль орчин аялал жуулчлалын газар, тус бүрээс төлөөлөл оролцуулж байгуулна. /цаашид “ажлын хэсэг” гэх/. Дуудлага худалдаагаар тусгай зөвшөөрөл олгох үйл ажиллагаанд аймгийн Байгаль Орчин Аялал Жуулчлалын Газар голлох үүрэгтэй оролцож, удирдан зохион байгуулна.

Хоёр. Дуудлага худалдаа зохион байгуулахад баримтлах зарчим

- 2.1.Нээлттэй, ил тод байх;
- 2.2.Тэгш, шударга,оролцоог хангасан байх
- 2.3.Холбогдох хууль тогтоомжийн заалтуудыг чанд мөрдөх

Гурав. Дуудлага худалдаа явуулах дараалал

- 3.1.Дуудлага худалдааны бэлтгэл ажлыг хангах;
- 3.2.Дуудлага худалдааны товыг зарлан мэдээлэх;
- 3.3.Дуудлага худалдаанд оролцогчдыг бүртгэх,баталгаажуулах;
- 3.4.Дуудлага худалдааг эхлүүлэх,дуусгавар болгох;
- 3.5.Дуудлага худалдааны ялагчийг зарлах, баталгаажуулах
- 3.6.Ан агнах зөвшөөрлийн бичиг олгох

Дөрөв. Дуудлага худалдааны бэлтгэл ажил

4.1.Хуульд заасан шаардлагад нийцсэн, төрийн байгууллагуудад ашиглагдаж туршигдсан, программ хангамж ашиглах туршилт хийж бэлэн болгоно.

Аудио/видео хэлбэрээр үнийн санал өгөх, аудио/видео бичлэг хийж хадгалах баталгаажуулах, зохион байгуулагчид болон бүх оролцогчид харилцан хяналт тавих боломж бүхий **zoom** программ ашиглана.

4.2. Дуудлага худалдааг зохион байгуулах ажлын хэсгийн гишүүдэд сургалт хийж дадлагажуулна.

Тав. Дуудлага худалдааны зарыг нийтэд мэдээлэх:

5.1. Дуудлага худалдааны зар /цаашид “зар” гэх/-ыг уг дуудлага худалдаа явуулахаар товлосон өдрөөс 3-аас доошгүй хоногийн өмнө нийтэд мэдээлнэ:

5.2. Дуудлага худалдааны зард:

Дуудлага худалдааг явуулах программ хангамж

Дуудлага худалдааны тов, эхлэх өдөр, цаг, минут

Агнуурын амьтны зүйлийн нэр, тоо толгой,

Босго үнэ, дэнчингийн хэмжээ

Дэнчин төлөх дансны дугаар,

Дэнчин төлөх сүүлийн хугацаа

Дуудлага худалдаанд хэлэх үнийн дээд, доод хязгаар

Оролцогчдыг бүртгэж эхлэх болон бүртгэлийг хаах цаг

Дуудлага худалдаа зохион байгуулах цахим хуудасны мэдээлэл /дуудлага худалдаа явуулах тусгай программ хангамж, харилцах утасны дугаар/ бусад шаардлагатай мэдээллүүдийг багтаана:

Зургаа. Дуудлага худалдаанд оролцогчдыг бүртгэх

6.1. Дуудлага худалдаанд оролцох хүсэлтийг хүлээн авах хугацааг дуудлага худалдааны зар зарлагдсан цагаас эхлэн, дуудлага худалдаа эхлэхээс **24** цагийн өмнө хаана.

6.2. Дэнчин төлсөн хугацаа, дэнчингийн мөнгөн дүн, оролцох төлөөлөл болон итгэмжлэгдсэн төлөөлөгчийг батлах баримт бичиг зэргийг хянан үзэж, шаардлага хангаагүй бичиг баримтыг бүрдүүлэхийг дуудлага худалдаа эхлэхээс **12** цагийн өмнө хүсэлт гаргагчид мэдэгдэж баримт бичгийн болон бусад зөрчлөө арилгах боломж олгоно.

6.3. Оролцогчдын ирүүлсэн хүсэлт, шаардлагатай баримт бичгийг хянан баталгаажуулж, шаардлага хангасан оролцогчдод хүсэлтийг хүлээн авсанаас хойш **12** цагийн дотор багтааж дуудлага худалдаанд оролцох эрхийг баталгаажуулсан мэдэгдлийг цахим дуудлага худалдаа явуулах тусгай программ хангамжид нэвтрэх нэр, нууц үг, бусад мэдээллийн хамт хүргүүлнэ.

6.4. Дуудлага худалдаанд оролцогчдын бүртгэл, мэдээллийг дуудлага худалдааг нээх хүртэлх хугацаанд бусдад мэдээлэхийг хориглоно.

Долоо. Дуудлага худалдааг эхлүүлэх, дуусгах

7.1. Дуудлага худалдаанд оролцохоор бүртгүүлж баталгаажсан оролцогчдод дуудлага худалдаа эхлэхээс цагаас 1 цагийн өмнө дуудлага худалдаа эхлэхийг анхааруулж цахимаар, утсаар, мессежээр мэдэгдэл хүргүүлнэ.

7.2. Товлосон цагт дуудлага худалдааг эхлүүлэхэд цахим системд орж ирээгүй оролцогчийг дуудлага худалдаанд оролцохоос татгалзсанд тооцож тэмдэглэл үйлдэж, дуудлага худалдааг эхлүүлнэ.

7.3. Дуудлага худалдаанд хэчнээн тоо толгой, ямар төрөл зүйл ан амьтны тусгай зөвшөөрөл оруулж байгааг танилцуулж оролцогчдоос анхны үнийн санал хэлснээр дуудлага худалдааг хүчин төгөлдөр болсонд тооцно.

7.4. Агнуурын амьтдыг агнах эрхийг толгой тус бүрээр дуудлага худалдаагаар олгоно. Дуудлага худалдааны ялагч нь дэнчин байршуулсан ангийн тоогоор гэрээ байгуулна. Бусад оролцогчид нь үнэ хаялцсан үнийн дүнгийн дарааллаар оролцох бөгөөд дэнчин байршуулсан ангийн тоогоор гэрээ байгуулах замаар эрх авна.

7.5. Оролцогчид босго үнэ дээр өмнөх оролцогчийн өгсөн үнийн өсөн нэмэгдсэн дүн дээр өсгөн нэмэгдүүлэх зарчмаар үнийн санал хэлж өрсөлдөх;

7.6. Зохион байгуулагчаас тухайн дуудлага худалдааны ялагчийг зарлаж дуудлага худалдааг хааж, дараагийн дуудлага худалдааг эхлүүлнэ.

7.7. Дуудлага худалдааг тухайн өдрийн ажлын цагт эхлүүлж ажлын цагт хааж, дараагийн өдөр мөн ажлын цагт эхлүүлж ажлын цагт хаах зарчмаар тухайн аймагт хуваарилагдсан агнуурын амьтныг агнах, барих эрхийг дэнчин төлж, хүсэлт ирүүлсэн тоо толгойн хэмжээгээр дуудлага худалдаагаар олгоно.

7.8. Дуудлага худалдаанд оролцогч өөрийн үнийн саналаа дуудлага худалдаа явуулах тусгай программ хангамжид бичгээр болон аудио/видео боломжийг ашиглан өгөх бөгөөд дуудлага худалдааны туршид программд нэвтрэх, бусад оролцогчдоос ирүүлсэн үнийн саналтай танилцах, өөрийн өгсөн үнийн санал баталгаажсан эсэхийг мэдэх аудио/видео бичлэгээр баримтжуулж баталгаажуулах боломжоор хангагдсан байна.

7.9. Дуудлага худалдаанд оролцогчдоос өгөх үнийн доод хязгаар нь дэнчин төлсөн үнийн дүнгээр, дээд хязгаар нь босго үнийн **50%** иас хэтрүүлэхгүй байхаар тогтоох.

7.11. Дуудлага худалдааны үнэ хаялцах доод, дээд хязгаар.

Тусгай зориулалтын ан	Босго үнэ /төгрөгийн хэмжээ/	Доод хязгаар / төгрөгийн хэмжээ/	Дээд хязгаар /төгрөгийн хэмжээ/
Угалз	4440000	500000	2000000
Тэх	1060000	150000	500000

7.12. Дуудлага худалдаанд оролцогчид нь хамгийн өндөр үнийн санал хэлсэн.

7.14. Хуульд заасан үндэслэлээр дахин дуудлага худалдаа явуулахаар бол энэхүү удирдамжийг мөрдөнө.

7.15.Хуульд зааснаас бусад үндэслэлээр дуудлага худалдааг хүчингүй болгох, дахин дуудлага худалдаа явуулахыг хориглоно

Найм. Дуудлага худалдаанд ялагчийг баталгаажуулах

8.1.Дуудлага худалдаа бүрэн дууссанаас хойш ажлын 2 хоногт багтааж хуульд заасан хугацаанд төлбөрөө төлсөн баримт, ажлын хэсгийн тэмдэглэл зэргийг үндэслэн дуудлага худалдаанд ялагчийг аймгийн засаг даргын захирамжаар баталгаажуулна.

8.2.Дуудлага худалдааны ялагч нь агнуурын бүс нутгийн менежмент хариуцагч бол Амьтны тухай хуулийн 21 дүгээр зүйлийн 21.3.1 дэх заалтыг баримтлан, тусгай зөвшөөрлийг өөрийн менежмент хариуцдаг агнуурын бүс нутаг дээр бүртгүүлж, мөн хуулийн 25.1-д заасан гэрээг аймгийн Байгаль орчин аялал жуулчлалын газартай байгуулна.

8.3.Дуудлага худалдааны ялагч нь агнуурын бүс нутгийн менежмент хариуцагчаас өөр этгээд бол тухайн аймгийн аль нэг агнуурын бүс нутгийн менежмент хариуцагч болон аймгийн Байгаль орчин аялал жуулчлалын газартай гурвалсан гэрээ байгуулна.

8.4.Тусгай зориулалтаар агнуурын амьтныг агнах барих тусгай зөвшөөрлийг энэхүү удирдамжийн 8.2, 8.3-д заасан гэрээгээр агнуурын бүс нутагт олгохдоо агнуурын бүс нутгийн менежментийн төлөвлөгөөнд заасан тухайн жилд агнах барих амьтны дээд тооноос хэтрүүлэхгүй байна. Мөн аймгийн Ерөнхий агнуур зохион байгуулалт, Менежментийн төлөвлөгөөнд тусгагдаагүй, агнуурын бүс нутгийн менежментийн төлөвлөгөөний хугацаа дууссан агнуурын бүсэд тусгай зөвшөөрөл олгож баталгаажуулахыг хориглоно.

8.5.Дуудлага худалдааны ялагчаас бусад оролцогчдын төлсөн дэнчинг ажлын 3 хоногт багтаан оролцогчдын дансанд буцаан шилжүүлнэ.

8.6.Дуудлага худалдааны ялагч нь ажлын 3 хоногт үлдэгдэл төлбөрөө төлөөгүй бол дэнчинг буцаан олгохгүй.

8.7.Хуульд зааснаас бусад үндэслэлээр дуудлага худалдаанд ялагчийг тодруулах, баталгаажуулах болон эс баталгаажуулах үйлдэл гаргахыг хориглоно.

Ес.Тусгай зориулалтаар ан агнах, барих тусгай зөвшөөрлийн бичиг олгох

9.1.Дуудлага худалдааны ялагчид дараах бичиг баримтын бүрдлийг үндэслэл болгон ан агнах тусгай зөвшөөрлийн бичиг олгоно. Үүнд:

1.Албан бичгээр ирүүлсэн хүсэлт

2.Энэхүү удирдамжийн 8.2 буюу 8.3-д заасан гэрээний хуулбар

3. Дуудлага худалдааны төлбөрийг бүрэн төлсөн баримт
4. Агнуурын нөөц ашигласны төлбөрийн 30%-ийг төлсөн баримт
5. Агнуурын нөөц ашигласны хураамж 100% төлсөн баримт
6. Анчны паспортын хуулбар гэсэн бичиг баримтуудыг цахимаар хүлээн авч ан агнах зөвшөөрлийн хүсэлт ирүүлсэн өдрөөс хойш ажлын 2 хоногт багтаан олгоно.

-----oOo-----